

مجموعہ سنون

۱۲

جمعیت علمیہ عثمانیہ

برنجی پستہ

شوال

نومرو ۱۰

استانبول

جمعیت علمیہ عثمانیہ مطبعہ سندیہ طبع اولیٰ منشدر

۱۲۷۹

بعید دکلدر فقط اینیه مذکوره نك دائمی صورته میدان مزبورده
ایقاسی دخی جائز اوامیه جغندن بر قایج دفعه محل مذکورده
یا لکن ممالك محروسه محصولات و مصنوعات مخصوص سرکیلر
کشاد اولاند قد نصکره در سعادتده بر سرکی عمومی کشادی
زمانی کلدکده مناسب بریره دهها واسع و منتظم بر سرکی محلی
یا یله رق میدان مزبورده بولان چارشونك اولوقت تخریبی
مناسب اولور

برده سرکی کشادی یا لکن در سعادتده حصر اولنمیوب از میر
وسلانیك و مناسیر و شام و حلب مثلا و مرکز صنایع و تجارت
اولان شهرلرده هر سنه بر دفعه خصوصی سرکیلر کشاد اولنمی
و مملکتزجه زراعت و صناعتك قنغی شعبه لرینك اصلاحی دهامهم
کورینور ایسه بونلری بروجه مطلوب اصلاح ایچون مکافات
مناسبه تخصیصیه او لجه اعلان اولندرق اهل صناعت
و زراعتك بو وجهله دخی تشویق و ترغینه همت پیورلمسی
بو بایده اتخانی لازم کلان تدابیر مؤثره جمله سنددر ظن اولتور
(قدری)

(قدمای ملوک مصریه تاریخی)

فیرون

اشبو فیرون سالف الذکر مشهور سیر و ستریسك اوغلی
ولی عهدی اولوب میلاددن یسك در تیوز الی یدی سنه اول

پدرینک وفاتده جالس مسند حکومت اولمشدر . مشارالیه پدری کبی عالی همت اولیوب یالکز کبرو غرورده اکا تفوق ایتمشیدی . حتی برسنه نیل مبارکک فیضاتی پک زیاده اولوب کلی خساراتی موجب اولدیغندن غضبه کلوب کویا نیلی تأدیب ایتک زعیله صویه برمزراق اتمش اولدیغی مرویدر . حضرت موسی علیه السلام ملک مشارالیه ایله معاصر اولوب طائفه بنی اسرائیلی دوچار اولدقلری اذا وجفادن تخلیص قصدیله معجزات معلومه یی اظهاردن صکره مسردن هجرت ایلد کلرنده تعقیب ایدوب بحر احمرده غرق اولان ومصر حکمدارلرینه مخصوص فرعون لقیله مشهور بولان ملک اشبو فیروندر . بونک اخلافندن یالکز پروته ور امپسنیه نامنده ابکی حکمدارک اسماری معلوم اولوب فقط هیچ بر اثرلی مشهود اولماشدر .

کیویس و شفرن

کیویس الی سنه و آندن صکره شفرن الی الی سنه اجرای حکومت ایدوب بونلر انواع ظلم و کفر ارتکاب وقوانینه رعایت ایتمه رک درلو درلو تکالیف و رسومات تحمیلله مملکتی خراب ایلدیلر . و مجرد ابقای نام غرضیله اهرام مصریه تک ال بیوکلیری اولان ایکبسنی کندولرینه مزار اولق اوزره کلی زحمت و تکلف ایله اهاییه بنا ایتدیردیلر . کرچه بووسیله ایله ابقای نام ایدرک مقصدلی حاصل اولمش ایسه ده بر صورت مذمومه ده اولدیغندن خیلی زمان مصریون عننده لعنت 'یله یاد قلمشدر .

میسرتیوس

میسرتیوس سالف اندر کیویسک اوغلیدر . مشارالیه
 پدری کبی غدار اولوب یدی سند ممتد اولان زمان حکومتده
 لوازم عدالت و حقانیتی ایفا ایلشدر . بونک عصرنده مصریون
 قوانینده رعایتی ترک ایله سفاهت و تسبییه میل ایتخار ایدی .
 ایوم فیوم اقلینده واقع کریمچدن معمول اهرام تپه سی اشبو
 میسرتیوس زمانی ائارنددر .

آسیخیس

بالاده ذکر و بیان اولندیغی اوزره برادم الحق استقراض ایلدکده
 مقابلنده پدرینک جسد محفوظنی رهن صورتیله مستقرضه
 تسلیم ایلک ماده سی ملک مشارالیه زماننده قانونه درج اولوب
 بوندن بشقه برائی یوقدر . فقط مصرده بنی سویف ایله فیوم
 اقلیلری ییننده واقع لاهون قریه سنده کریمتدن معمول اهرام
 تپه سی دخی مشارالیه زماننده منسوبدر .
 میلاددن ییک اون اوچ سند اول مصرده بر حکمدار اولوب کریمه سنی
 بنی اسرائیل ملکی اولان حضرت سلیمان علیه السلامه تزویج ایلشدر .
 بوندن بشقه اثری معلوم اولمادیغی مثلاً فرعون لقبیله معروف
 اولوب اسم مخصوصی دخی اونودلشدر .

سیران

سیران میلاد د دن طقوز یوز یتش سکر سنه اول مسند نشین حکومت اولمشدر . حضرت سلیمان علیه السلامک مخدومی اولوب بنی اسرائیل ملکی بولنان رصیم ایله محاربه یه قیام وبلاد کنعانیه یه جسیم براردو سوق ایدرک بنی اسرائیل قومی تارمار ایتش و قدس شریفه دخول ایله حضرت سلیمان علیه السلامدن قالمش اولان اوچوز قطعه الستون قاقانلری اخذ ایدوب مصره عودت ایلشدر .

زارا

زارا میلادن طقوز یوز قرق برسنه اول جلوس ایدوب مصر و حبش ممالکته متصرف اولمشدر . یهودیلر ایله محاربه یه قالفشوب اوزرلرینه برملیون عسکر و اوچوز عربیه دن مرکب بر جسیم اردو سوق ایتش ایسه ده اولوقت قدس شریف ملکی بولنان آسا غالب کلدرك مصر لوری منهنم و پریشان ایتشیدی . مذکور زارادن صکره آنیزیس نام حکمدارک سلطنتنه قدر یوز اللی سنه دن متجاوز مدته مصرده کیلر حکومت ایلدیکی ونه مقوله حالات وقوعه کلدیکی عندالمور خین مجهول بولنمشدر .

آنیزیس

مشار الیه آنیزیس اعما اولدیغی حالده میلاد دن یدی یوز ایتش یدی سنه اول تحت حکمداری یه جلوس ایلشدر .

اولوقت حبش ملکی بولان سبابا کوس مصر الکاسنی بالاستیلا
الی سنه حکمدارلق ایده جکی هاتف غیبیدن کویا کندوسنه خبر
ویرلدیکندن مصره عسکر سوقیله کامله ضبط و تسخیر ایلش
و کندوسی کمال درجه مرحمت و حقانیتله متصف اولدیغندن
قتل جزا سنی بالکلیه لغوایدوب بوکا مستحق اولانلرک ابنیه میریه ده
استخدامیله اکتفا اولوردی . الی سنه مرورنده زمام حکومتی
اولوقته قدر اختفا ایتش اولان آنیرنسه اعاده ایدرک اصل محل
حکومتی اولان حبش مملکتنه عودت ایلشدر .

سیتوس

سیتوس بالاده ذکر اولانان حبش ملکی سبابا کوسک اوغلو اولوب
میلاد دن یسیوز اون طقوز سنه اول جلوس ایتشدر . اولزمان
اعتقادات باطله سنه زیاده تمسک ورعایتی اولدیغندن مرتب
ذمتی اولان اداره امور عبادی ترک ایدرک عبادت ایله اشتغال ایدر ایدی
وصنف عسکری یه اصلا رعایت ایتمیدرک اسلافنک عساکره
زعامت طریقیله ویرمش اولدقلری اراضی بی بیله استرداد ایتشیدی .
بو جهته عسکری طاقی کندو سندن دلکیر اولدق سنه سناخریب
نام سریان و عربان ملکی مصره تجاوز ایتدکده عساکر مصریه
سبتوسک اغورینه محاربه دن امتناع ایلدکلرندن مشارالیه
اصناف و احاد ناسدن باشنه برطاقم کسانى جمع ایدوب سناخریبی
مقابله یه چقدقده کویا کیجه لین سریان اردو سنده فوق العاده فاره
ظهور ایدوب عساکرک اوق و یا یلرینک کریشلرینی کامله
ییدرک صباح اولدقده بریا یلر سلا حسز قالدقارینی کوردکده

مخاربه به عدم اقتدار لرینی آکلامر یله میدان محاربه بی ترک ایدوب
فرار ایتدک لری قدیم مصر و یونان تاریخلرنده روایت اولمشدر .

تاراقه

تاراقه حبش حکمداری ایکن سیتوسک یزینه مصرده دخی تخت
حکومتده جالس اولوب اون سکن سنه اجرای حکومت ایتش
و بوندن صکره حبشدن مصره حاکم کلما مشدر .

کتاب تاریخ مطالعه سندن آکلا شیه جفی وجهله بالجهله ملئک
اساس قوت و اقتدار لرلی بعض قواعد ملکیه و دینه وادیه
اوزرینه مبنی اولوب بونله رعایت و دقتده تجویز تسامح
اولندقدده اول ملکستک شوکت و اقتدار ی تنزل و انحطاطه
یوز طو توب اولمالده علامات انقراض رونما اولنور .
شویله که مصر یونک حکمدار لرینه صداقت و قوانین دینه و ملکیه
رعایت و تسبب و سفا هتدن دخی مباعدت ایلدک لری مدتیبه
قوت و اقتدار جهته معاصر لرلی اولان ملئک برنجیسی دینکه
شایان اولوب حسن اتفاق لرلی غره سی اوله رق اچانیک تعدیاتندن
خوف ایتدکدن بشقه عساکر شجاعت مأررلی افریقا و آسیا
قطعه لرینک ثروت و سامان ایله مشهور اولان ممالکنی ضبط
و تسخیر ایلش لرایدی . لکن بوفتوحات موجب کبر و غرور اوله رق
حکمدار لر انا ر قدما و نصایح عقلایه احاله سمع اعتبار ایتوب
کندور ایلرینی قوانینه ترجیح ایتدک لر یله بوندن نشأت ایدن
مظالم و تعدیات اهلینک نفرتنی مؤدی اولمشدر . وقع
ایتدک لری محاربه دن کتور دک لری اموال و اشیا خلقی

برطانیام تزیینات و سفاهت میل ایتدیردیکی جهته ملك و ملته
اولان محبت و صداقت زائل اولمش و بوجمله سیر و ستر یسدن
صكره حكومت مصریه انحطاطه باشلا یوب حضرت عمر رضی الله
عنہك زمان نصرت اقترا نلرینه دكین حبش و سریان و پارس
و یونان و رومالورك متعاقبا اللرینه دوشدكدن صكره ضمیمه
ممالك اسلامیه اولمش و اولوقتدن برودولتری بالكلیه انقراض
بولمشدر .

بالاده ذكر و بیان اولندیغی اوزره حبشدن كلان حكمدارورك
نسلی منقطع اولدقده عموم اهلینك انتخابیله زمام حكومتی اله
الهیله جك كبرای ملدن بر كسه بولنه مدیغندن بو بایده بین الاهالی
ظهوره كلان اختلاف ایکی سنه قدر متمد اولدقدن صكره كبرای
ملدن اون ایکی ذات بالاتفاق مملكت مصریه بی ینلرنده تقسیم
و هربری مستقل اجرای حكومت ایدوب حسن امتزاج ولدی الحاحه
يكديكرینه معاونت ایملکی تعهد ایلدیلر . بونی متعاقب بر كاهن
هاتف غیب تلقینی اولمق اوزره مذکور اون ایکی حكمداردن
قنغسی معبودلری اولان اصنامدن ولكین نام بیت عشقته بر باقر
قدحدن شراب ایچر ایسه مفرداً مصره مالاك اوله جغنی اعلان
ایلیله بو کیفیت منعقد اولان رابطه اتفاقك اخلاقی مؤدی اولمقدن
احترازا كاهن مذکورك قولیه عمل اولنماسی حقننده قسم ایله
يكديكریخی تأمین ایلدیكندن حسن امتزاج و اتفاقلری اون بش سنه
بر دوام اولمش ایدتی . بونك شرقیه الان فیوم اقلیننده
آثاری مشهود ولاییرت نامیله مشهور اولان اون ایکی سرایدن
مركب جسم بنایی مشتركا انشا ایدوب بو سیرایلر سطح

ارضده بيك بشيوز و ايام حاره ده اقامت اولنق اوزره زير زمينده
 كذلك بيك بشيوز دائره يي مشتمل ايدى . بركون مذكور
 حكمدار لر عبادتگاهده اجتماع ايله عادت لرى اوزره مذكور ولكين
 نام بلك عشقه شراب ايمجلسى لازم كلد كده ره بانلر هر برينه
 اتوندن مصنوع قد حار تقديم ايدوب فقط اشبو قد حار اونبر
 اولوب حكمدارانك عددندن بر نقصان اولمسيه حكمدارانندن
 پسانى اصلا بر سوء نيت مبنى اوليه رق مجرد سبقت ايدن يمينندن
 ذهول ايلديكندن باقردن معمول تاجنى باشندن چيقاروب ايمچنه
 شراب طولديره رق نوش ايلديكى رفقاسى كورد كده كاهنك
 ويرمش اولدينى خبرى فطر ايله پسانيدن روگردان ومحترز
 اوله رق مومى الهى نى وقريب ايتديلر . پسانى شوخالدن بالطمع
 منفعل ومكدر اوله رق اخذ نارائتك اسبابنى تحريده ايكن آق
 دكرده بر فورتنه ظهور يله يونان عسكر يله ملو برسفينه بك مصر
 سوا خائنه قاره يه دوستديكى استماع ايلديكندن كيدوب عساكر
 مرقومدى استعجاب ومملكته اولان طرفدارلر نى دى جمع
 ايدرلكديكر حكمدارانه اعلان حرب وعسكر نى پریشان ومغلوب
 ايدوب مصر الكاسنى كاملا ضبط وزمام حكومتى يد اقتدارينه
 اخذ ايلدى .

(محمد جيل)

سفير پارس

(خليل)

سفير پترسبورغ